

Inuk qitiutillugu

Siumup, Demokraatit aamma Nunatta Qitornaasa

akornanni

2021-imut aningaasanut inatsimmut isumaqatigiissut



23. november 2020

2021-mut aningaasanut inatsimmut isumaqatigiissut

Partiit isumaqatigiissuteqartut 2021-mut aningaasanut inatsit makkuningga ukkataqartoq isumaqatigiissutigaa:

2021-mut aningaasanut inatsimmik ilusiliiniarluni suliaqarneq COVID-19-ip atuunneranik sunnersimaneqarpoq. Manna tikillugu nunatsinni iluatsittumik nappaat annertunerusumik siaruaatsaaliorneqarpoq, Kalaallilli Nunaat allatigut nunarsuarmi nappaalasoqarneratigut eqqugaavoq. Tamanna ukiuni aggersuni isertitassatut ilimagisanut sunniuteqarlunilu aningaasartorfiusussanik pisariaqartitat assigiinngitsut passunneqarnissaannut sunniuteqarpoq. Tamanna 2021-mi assartuinnermut allatigullu upalungaarsimanissamut, kiisalu inuussutissarsiortunut immikkut eqqugaasunut sulisoqarnikkullu sunniuteqaataasumik kinguneqaataasinnaasunut immikkut ittumik aningaasartuutit matussuserumallugit.

Tamanna eqqarsaatigalugu 2021-mi aningaasanut inatsimmi amigartooruteqarnissaq aamma akuersaarnarpoq. Peqatigisaanik isumaqatigiissuteqartut ukiuni aningaasanut inatsisiliorfiusuni 2021-2024 IS-imi angusani oqimaaqatigiittoqarnissaa aalajangiusimavaat. Taamaalilluni akisussaassuseqartumik aningaasartuutitut politikki aalajangiusimaneqarnera pingaartinneqarpoq. Suliniutitut nutaanut aningaasartuuteqarfiusussanut siunnersuutit, isumaqatigiissutikkut ugguuna matussuserneqarput, soorluttaaq aningaasanut inatsisissatut siunnersuutigineqaqqaartumut sanilliullugu maanna piffissami 2021-2024 annikitsumik sinneqartoortoqartoq.

Aningaasanut inatsimmut isumaqatigiissutissamik sulinermi utoqqarnut tunngasuni ataqatigiissumik ungasissumullu sammisumik politikeqarnissap pisariaqarnera aallunneqarpoq. Taamaaliornikkut utoqqaat pitsaasunik toqqissisimanartunillu sinaakkuteqarnissaat qulakkeerneqarlunilu agguaqatigiissillugu ukiut inuuffiit qaffakkiartornerisa, ukioqatigiiaallu amerlasoorsuit suliffeqarnermik qimatsiartornerisa malitsigisaanik, aningaasartuutissatut pisariaqartinneqartut qaffakkiartorumaarnerisa passunneqarsinnaanerata isumannaarneqassaaq. Taamaammat 2021-mi immikkoortumi tamanut aallussisumik periusissiornerissamik aalajangiussinissaq pingaaruteqarlunnarpoq. Taanna nutaamik inatsisiliornikkut, ilaatigut kommuninik suleqateqarluni immikkoortumi malitseqataasunik suliniutinik malitseqartinneqassaaq.

2021-mut aningaasanut inatsimmi utoqqaat 65-it aamma 67-it akornanni ukiullit ukiorpassuarni suliffeqarsimasut, assigiinngitsumillu patsiseqartumik suliffeqarnermik ingerlatseqqissinnaajunnaartut, nalinginnaasumik utoqqalinerminni soraarnerussutisiaqalernissamut pitsaanagerusumik periarfissinneqarnerat qulakkeerniarlugu immikkut aningaasaliisoqarpoq. Tassunga ilaatillugu immikkoortumi sukkanerusumik eqaannerusumillu sulianik ingerlatsinissaq piumasaqatigineqassaaq, soorluttaaq aqqissuussineq nutaaq pillugu utoqqarnut sammititamik annertusisamik paasititsiniaanermik ingerlatsisoqassasoq.

Aningaasanut inatsimmi oqimaaqatigiinnissamik, taassumalu malitsigisaanik sipaarniutit 2016-imi Attassiinnarnissamut Inerikkiartortitsinissamullu pilersaarummi anguniakkanut pingaarutilinnut arlalinnut ataqatigiilluarpoq. Taamaalilluni ukiuni aggersuni pisortani immikkoortuni annertusiartortumik aningaasartuuteqarnissamik pisariaqartitsisunut isumalluutitut atugassanik pingaarnersiueqqittoqarlunilu, ilaatigut suliffeqartut amerlinerat namminersorlutik inuussutissarsiortuni pinissaanik anguniagaqarneq qulakkeerneqassaaq. Taamaammat aningaasanut inatsimmik isumaqatigiissuteqarnermi ilaatigut pisortani siunnerfilikkanik sipaarniutit nuussinerillu siunniunneqarput.

2021-mut aningaasanut inatsimmik isumaqatigiissummi peqqinnissamut isumaginninnermullu immikkoortut aallunneqarnerat attanneqarpoq. Ingammik Peqqinnissaq Pillugu Ataatsimiititaliarsuarmi pilersinneqartumi sulinissap immikkoortumi erseqqissunik kaammattuuteqarnermik nassataqarnissaa qilanaarinnarpoq. Tassani peqqinnissaqarfiup kommunillu sunniivigeqatigiinnerisa pitsanngorsarnissaanut, nuna tamakkerlugu peqqinnissaqarfiup sullissinerata aqqissuunneranut kiisalu sulisussanik pisariaqartinneqartunik pissarsinissamut unammillernartut passunneqarnissaannut kaammattuutinik saqqummiussinissaq pingaaruteqarpoq.

Imminut pilersornerulernissamik inuiaqatigiillu ineriartornerisa nungusaataannngitsumik toqqammaveqarluni pinissaanik anguniakkanik siursaasunik aaqqissuusseqqinnernik suliniutit annertusarnissaat, aningaasanut inatsimmik isumaqatigiissuteqartut kissaatigaat. Tassani 2021-mi suliffeqarnermi isumaginninnermullu immikkoortumi ataatsimut aaqqissuusseqqinnermik saqqummiussisoqarnissaa, inuusuttullu ilinniagaqarnatilluunniit suliffeqanngitsut immikkut aallunneqarnissaat naatsorsuutigineqarpoq. Tamatuma saniatigut ineqarnermut immikkoortumik aaqqissuusseqqinnernik, ilaatigut iluarsartuussinissamik kinguaattooqqanermik ajornartorsiutit iliuuseqarfigineqarnissaannik suliaqartussamik pisariaqartitsisoqarpoq.

Ilaasunik angallassinermi ataqatigiillu arnerusumik eqaannerusumillu aaqqissuusinnissamik pilersitsiniarluni anguniagaqarneq aamma 2021-mi pingaartinneqarpoq. Tamanna ilaatigut mittarfinnik pingaarnernik aaqqissuusinnernik akuerineqartunik sulinerit naammassineqarnissaannik, ilaatigullu nunap immikkoortuini mittarfinnik aaqqusinernillu inuiaqatigiit aningaasarsiornerat eqqarsaatigalugu illersorneqarsinnaasunik aalajangiinissamat tunngavissiornerisunik piareersaasiornernik isumaginninnissaq nassatarissavaa. Peqatigisaanik ataavartumik nukissiuuteqarnermut atortut annertusarnissaat pillugu tunngavissiamik piareersaasiortoqassaaq.

Attaveqatigiinnermut atortut taamaattut aningaasartornartuupput. Taamaammallu peqatigisaanik taakku aningaasalersornissaannut periusissiasanik naapertuuttunik suliaqartoqassaaq, taamaaliornikkut naapertuuttumik tullerriaakkamik pilersitsisinnaaneq ingerlanneqarsinnaaqqullugu. Tassunga ilanngullugu taakkununga aningaasalersuutaasinnaasut assigiinngitsut misissorneqassapput, soorlu taarsigassarsinerit imaluunniit Namminersorlutik Oqartussat suliffeqarfissuaataannik il.il. piginneqataassutit ilaannik tunisisinnaanernit iluanaarutit. Taamaaliornissami sukumiisumik piareersaasiornissaq isumaqatigiissuteqartut isumaqatigiissutigaaq, matumanimi inuiaqatigiit ingerlanneqarnerannut aningaasarsiornikkullu aalajangerit pingaaruteqarluninartut pineqarmata.

Pingajussaaneerinninnissamat allannguutissatut siunnersuutikkut 2021-mi IS-ip 76,9 mio. kr.-nik amigartoornissaa anguneqassaaq. Piffissaq 2021-2024 tamakkerlugu IS-imi katillugit 26,1 mio. kr.-nik sinneqartoortoqassaaq.

Ukiunut aningaasanut inatsit isumalluutit akimuisumik pingaarnersiornissaannut, akisussaassusilimmillu aningaasaqarnikkut politikip isumannaarneranut pingaarnertut sakkussaasoq isumaqatigiissuteqartut aalajangiisimavaat. Annertunerusumik aningaasartuuteqarfissanik nutaanik suliniutissanik aaqqissuusseqqinnernillu saqqummiussineq akuersisinnaanerlu, aningaasanut inatsimmik isumaqatiginninniarnernut toqqaannartumik ilaatinneqartariaqarput.

Isumaqatigiissuteqarlutik atsioqataasut ilaata isumaqatigiissummik eqqortitsiinnarsinnaaneq ajornartutut isigilissappagu, isumaqatigiissummik qimatsinissaq sioqqullugu taamaaliornissap pillugu isumaqatigiissuteqartunut allanut allakkatigut ilisimatitsisoqartarnissaa isumaqatigiissusiortut isumaqatigiissutigaaq, taamaaliornikkut isumaqatigiissut qimanneqartinnagu isumaqatiginninniartoqarsinnaaqqullugu.

Suleriaqqinnermi pingaarnersiukkanut allannguinerinnullu takussutissiaq, 2021-mut aningaasanut inatsisip akuersissutigineqarnissaanut allannguutissatut siunnersuutitut saqqummiunneqartussaaq ilanngunneqarpoq.

Tamanna tunuliaqutaralugu uku 2021-mut Aningaasanut Inatsit pillugu isumaqatigiissuteqarput:

Nuuk, ulloq 23. november 2021



Siumut



Demokraatit



Nunatta Qitornai



Naalakkersuisut

Aningaasanut inatsimmut isumaqatigiissummut ilanngussaq.

Suliniutit nutaat

Suliniutit nutaat tulliuuttut ingerlanneqarnissaat isumaqatigiissuteqartut isumaqatigiissutigaat:

1. Kalaallit Nunaata, Danmarkip nunallu allat akornaanni nussuineri akiliisitsisarnermik (transfer pricing) aningaasallu ingerlaarnerisa ersarissarnissaat pillugu annertusisamik suliniarneq. Suliniarneq maannamut misissueqqissaarnernut ingerlanneqareersunut tapiliuissatut ingerlanneqassaaq.

Aningaasanik pinerlunnermeersunik akiuiniarneq il.il. pillugit nunat tamat suleqatigiinneranni peqataanikkut suliniarneq nukittorsarneqassaaq.

		2021	2022	2023	2024
24.01.01	Akilerartarnermut Aqutsisoqarfik, allaffissorneq	5,0	5,5	5,5	5,5

2. Angerlarsimaffeqannginneq piitsuunerlu akiorniarlugit suliniarnermut atatillugu 2021, 2022 aamma 2023 angerlarsimaffeqanngitsut nerisinneqartarnerannut immikkut sammisumik ukiumut 1 mio. kr.-t immikkoortinneqarput. Aningaasaliissutit 20.11.70 Suliniutinut nutaanut sillimmatit SDG-mik aningaasaliissutit immikkoortinneqartut ilaattut atugassanngortinneqassapput.

3. Kalaallisut taaguusersuineri suliniarneq nukittorsarneqassaaq – Oqaasilerfimmullu immikkut aningaasaliisoqassaaq.

		2021	2022	2023	2024
40.94.27	Oqaasileriffik	0,5	0,5	0,5	0,5

4. Avannaata Qimussersuata ingerlanneqartarneranut tapiissutit manna ukiumoortumik 250.000 kr.-t 2021-mi 1,5 mio. kr.-nut, 2022-mi 2023-milu 750.000 kr.-nut kiisalu 2024-mi 1,5 mio. kr.-nut qaffanneqassapput.

		2021	2022	2023	2024
40.95.01	Tapiissutit allat kultur	1,3	0,5	0,5	1,2

5. Arctic Umiq Linemi utoqqarnut inunnullu innarluutilinnut akikilliliineq ukioq kaajallallugu atuutissaaq, ilaasunillu angallassineq pillugu sullissinissamik isumaqatigiissueqarfiusuni tamani atuutinneqassalluni.

		2021	2022	2023	2024
72.20.05	Ilaasunik angallassinermut tapiissutit	0,5	0,5	0,5	0,5

6. Peqqinnissaqarfimmi misissuineri endoskopi koloskopilu atorlugit siusissukkat nappaateqarnermik paasisaqtarnissaq neqeroortigineqarpoq.

		2021	2022	2023	2024
34.11.03	Dronning Ingridip napparsimmavissua	2,8	1,8	1,8	1,8

7. Kinguaassititigut atonerlunneqarsimasunut, sulisinnaangitsunut, suliniarneq nukittorsarneqassaaq. Konto pingaarneq 20.11.70 aningaasanik kingusinnerusukkut sukumiisumik atugassanngortinneqartussanik immikkoortitsisoqarpoq.

		2021	2022	2023	2024
20.11.70	Suliniutinut nutaanut sillimmatit	1,5	1,5	1,5	1,5

8. Ingammik nunaqarfinni isorliunerusunilu atugassanik sanaartugassanut sinaakkutit 13,5 mio. kr.-nik qaffanneqarput. Suliffeqarfinnut akileraarutip appartinneqarnerani aningaasanik 20.11.56 Aaqqissuusseqqinnerit sunniutaat immikkoortinneqartut atugassanngortinneqarnerisigut, suliniut aningaasalersorneqassaaq. Tamatuma kingorna aningaasaliissutit nuulungortinneqassapput.
9. Sulinerminni nungullarsimasut siusissuklut utoqqalinersiuteqalertarnissaapput periarfissaq. Sulinerup kingorna nungullarsimagaanni, siusissuklut soraarninngornissamat innersuussisarneq suli atuutsissaaq.
- a. Sulinerminni nungullarsimasut soraarninngornissaminut qinnuteqarnissamat ukiutigut killissarititaat – maanna Inatsisartut inatsisaat nr. 20, 23. november 2015 naapertorlugu 65-inik ukioqarnermiittoq, ulloq 1. januar 2021-mi 66-inik ukioqalernermit qaffattussaq – allanngortinneqassanngilaq. Taamaalilluni ulloq 1. januar 2021 kingorna aamma kommunalbestyrelse aqqutigalugu soraarninngornissamat innersuunneqarsinnaaneq suli periarfissaassaaq. 2021-mut atatillugu allannguummik tunngavissiisumik aningaasanut inatsimmi oqaasertaliussamik ivertitsisoqassaaq. Sulinerminni nungullarsimaneq pissutigalugu ukiutigut killiliussap 65-iniiginnarnissaa siunertaralugu Inatsisartut inatsisissannut nr. 20, 23. november 2015-imeersumut allannguutissatut siunnersuummik 2021-mi Inatsisartut ataatsimiinneranni saqqummiussisoqassaaq.
- b. Sulinerminni nungullarsimaneq pissutigalugu siusissuklut soraarninngornissamat akuersisarnermut allaffissornikkut periutsit pisariillisarniarneqarput. Suliaq sivisunerpaamik qaammatini pingasuni ingerlanneqarsinnaassaaq. Slunertamat tassunga kommunit periusissianik eqaallisaaneranni iluaqutaasussanik, aaqqissuusinerlu ullumikkut ikittuinnarnik atorneqartoq pillugu paasissutissiinerunissamat aningaasanik immikkoortitsisoqassaaq.
- c. Ilaatigut inuit siusissuklut soraarninngorsimasut amerleriarnissaannik ilimagisat, ilaatigullu allaffissornikkut periutsit pisariillisarnissaannut annertunerusumik suliniuteqarnissamat aningaasaliissutissat, konto pingaarneq 20.11.51 Aaqqissuusseqqinnerit sunniutaat kingusinnerusuklut kommuninik isumaqatigiissuteqarnikkut atugassanngortinneqarnissaat siunertaralugu immikkoortinneqarput. 2021-mi paasititsiniaanermik suliaqarnissamat 1 mio. kr.-t 3 mio. kr.-nillu 2021-mi 2022-milu soraarnerussutisianut aningaasartuutit amerlanerulernissaannut immikkoortinneqarput. Aningaasaliissutit – inunnik siusissuklut soraarninngornissamat innersuunneqartut amerleriaatissaatut missingersuutit naammanngippata – ilassutitut aningaasaliinissamat qinnuteqarnikkut nalimmassarneqassapput.

		2021	2022	2023	2024
20.11.51	Aaqqissuusseqqinnerit sunniutaat	4,0	3,0	4,0	4,0

10. Isumaqatigiissuteqartut attaveqaaqatiginnerup ineriartortinneqarnissaanut inuiaqatigiinnut iluaqutaasumik nunap immikkoortuini mittarfinnik aqqusiniliornissamillu, kiisalu Sisimiut Kangerlussuullu akornanni aqqusiniliornissamat anguniakkanik isumaqatigiissuteqarput. Royal Greenland A/S-ip ilaannakortumik namminersortunngorsarneqarnissaanik (annertunerpaamik 33 %) periarfissamik misissuineq aallartinneqassasoq isumaqatigiissuteqartut isumaqatigiissutigaat.

Royal Greenland A/S-p ilaanik tunisineq, tunisinerup nalaani nunatta karsiata annertunerpaamik iluanaarsinnaanera siunertaralugu pilersaarusiorneqassaaq. 2021-mi iluanaarutissanik missingersuutitut ivertitsisoqassanngilaq, taamaaliornissami misissuinerup kingorna aalajangerneq utaqqineqartariaqassamat.

11. Isumaqatigiissuteqartut konto pingaarneq 80.00.01 Nuussinissamut sillimmatit 12 mio. kr.-t Niaqornaarsunni timersortarfeerassamut suliniummi Namminersorlutik Oqartussat akiliutissaannut matussutissatut immikkoortinneqarnissaat isumaqatigiissutigaat. Aningaasaliissutit nammineq suliniummut kommunimik isumaqatigiissuteqarnerup kingorna immikkoortinneqassapput.
12. Isumaqatigiissuteqartuttooq konto pingaarneq 80.00.01 Nuussinissamut sillimmatit 1 mio. kr.-t Aasianni Ado Lyngep atuariata iluarsartuunnissaanut pilersaarummut, illup pitsanngorsarnissaannut aammalu nukissiuuteqarnermi sipaarnerunissamut immikkoortinneqarnissaat isumaqatigiissutigaat.
13. Isumaqatigiissuteqartut AIP-p kissaatigisaatut, 1990-imi aalisarnermut inatsimmik nutaamik akuersineq sioqqullugu, ingammik taamanikkut raajarniarnerup aaqqissuuteqqinneqarnera immikkut aallullugu, suliap ingerlanneqarnerannik arlaannaannulluunniit attuumassuteqanngitsumik misissuitsinerup ingerlanneqarnissaanut 2021-mi konto pingaarnermi 20.11.70 Suliniutinut nutaanut sillimmatit 2,5 mio. kr.-nik immikkoortitsisoqarnissaa isumaqatigiissutigaat. Suliassamut sukumiisumik suliaakkiissutigineqassaaq, taassumalu suliariumannittussarsiuunnissaa piareersarneqassaaq.
14. Isumaqatigiissuteqartut aalajangersimasumik annertussusillit qaangerlugit sanaartornermik aningaasartuutissatut ilimagisaqartoqartillugu, suliniutinik suliariumannittussarsiuussinermi atortussiat tuluttut suliarineqartut atulersinneqartalernissaannik piumasaaqammik atulersitsinerup kingunerisaanik Naalackersuisut misissuinissaat isumaqatigiissutigaat. Aningaasatigut killiliussat assigiinngitsut pitsaanngequtit pitsaaqutillu misissorneqassapput.
15. Isumaqatigiissuteqartut Najaani, Nutaarmiuni aamma Qeqertani pisiniarfiliornissamut pisariaqartitsineq isumaqatigaat. KNI-p pilersaarutit nammineq tunngavigisani naapertorlugit piaartumik pilersinneqarnissaat siunertaralugu, Naalackersuisut KNI-mi siulersuisunut saaffiginnissapput.

Piffissami 2021-2024 IS-ip inernerani sinneqartoornissaq siunertaralugu missingersuutitik aaqqiinerit.

Piffissaq aningaasanut inatsiliorfiusoq tamakkerlugu IS-ip inernerani sinneqartoornissaq anguniarlugu, isumaqatigiissuteqartut tulluuttuni sipaarniarnissaq isumaqatigiissutigaat:

1. Piffissami 2021-2024 katillugit 26,6 mio. kr.-nik allaffissornikkut sipaarnerunissaq.

Ukiuni ataasiakkaanut immikkoortunullu agguarneri takussutissiami takuneqarsinnaapput:

	2021	2022	2023	2024	Summa
Atorfinnik aaqqissuusseqqinneq		-2,0	-3,9	-5,9	-11,8
Isumaginninnermut Naalackersuisoqarfik	-0,5	-0,5	-0,5	-0,5	-2
Ilinniartitaanermut, Kultureqarnermut					
Ilageeqarnermullu Naalackersuisoqarfik	-0,5	-0,5	-0,5	-0,5	-2
Ilinniartitaanermut Aqutsisoqarfik	-1,5	-1,5	-1,5	-1,5	-6

Atuisunut Unammilleqatigiinnermullu					
Aqutsisoqarfik	-0,3	-0,3	-0,3	-0,3	-1,2
Ineqarnermut Attaveqatigiinnermullu					
Naalackersuisoqarfik	-0,3	-0,3	-0,3	-0,3	-1,2
Sanaartornermi Oqartussaasut	-0,3	-0,3	-0,3	-0,3	-1,2
Inissianut allaffissornikkut ataatsimoortumillu aningaasartuutit	-0,3	-0,3	-0,3	-0,3	-1,2
Allaffissornikkut sipaarniutit	-3,7	-5,7	-7,6	-9,6	-26,6

2. Nukissiorfinnut sullissinissamik isumaqatigiissummut tapiissutit 2021-mi 5,7 mio. kr.-nik, 2022-mi 6,7 mio. kr.-nik, 2023-mi 7,7 mio. kr.-nik 2024-milu 8,7 mio. kr.-nik appartinnera, katillugit 28,8 mio. kr.-t.

Sipaarniutit aalisakkanut suliffissuarnut akigitat innaallagissamut imermullu akigitat 41,5 %-imit 50 %-imut allangortinneqarnerisigut aningaasalersorneqassaaq, tunngavissaritallu allannguuteqassanngillat. 2022-mit tunisassiornermi naammassisinnaasat 1 mio. kr.-nik naleqartumik, 2023-mi 2 mio. kr.-nut kiisalu 2024 3 mio. kr.-nut qaffattussamik pitsanngortinnerat piviusunngortinneqassaaq.

Ikummatissanut suliniutit maanna annertussutsimit 2021-mi 50 %-imut 2022-milu 25 %-imut annikillisinneqassapput, taakkulu 2024 atorunnaarsinneqassapput.

Sipaarniutit katillugit 15,7 mio. kr.-upput taakkulu konto pingaarnernut tulliuuttunut ima agguataarneqarput:

		2021	2022	2023	2024
27.91.04	Ikummatissat nittarsaassinissarlu pillugit suliniutit	1,2	1,1	1,7	2,2
64.01.01	Inuussutissarsiornermut Naalackersuisoqarfik	1,8	1,8	2,6	3,5

Ikummatissanut imerpalasunut immikkoortoq maanna konto pingaarneq 64.01.01 Inuussutissarsiornermut Naalackersuisoqarfik ataani inissisimavoq.

IS-ip inerneranuk takussutissiivik

Nalunaarsuiffik 1-imi Siumup, Demokraatit aamma Nunatta Qitornaasa aningaasanut inatsimmik isumaqatigiissuteqarnerisigut aningaasatigut sinaakkutissat imaalerput.

Takussutissiivik 1 21-11.2020 nal. 13:00 isumaqatiginninniarluni ataatsimiinnerit kingorna ataatsimut takussutissiivik

	2021	2022	2023	2024	Summa
IS inerneranuk - AIS2021	183,2	17,6	-28,8	3,3	175,3
Aappassaaneerinninnermut AS	-2,6	-4,1	0,9	-4,1	-9,9
IS inerneranuk - aappassaaneerinninneq	180,6	13,5	-27,9	-0,8	165,4
Pingajussaaneerinninnermut AS					
Isertitassanik missingiutinut allannguutit	-69,8	-6,8	-4,5	-4,3	-85,4
Sillimmatit atugassanngortitat - 201170	-25,8	-8,2	-7,9	-7,8	-49,7
Allannguutissatut siunnersummut ilanngussat	5,6	6,8	6,8	6,8	26,0

	-90,0	-8,2	-5,6	-5,3	-109,1
Pingajussaaneerinninnissaq sioqqullugu IS-ip inernerigallagaa	90,6	5,3	-33,5	-6,1	56,3
siunnersuut - 18.11. isumaqatiginninniarnit	-0,9	-4,2	-6,1	-8,4	-19,6
siunnersuut - 21.11 isumaqatiginninniarnit	-19,3	-19,3	-20,7	-21,1	-80,3
Sulinerminni nungullarsimasut					
siusinnerusukkut soraarningorsinnaanerannut periarfissat nukittorsarnerat	4,0	3,0	4,0	4,0	15,0
1990-imi aalisarnermut inatsit sioqqullugu sulinerup attuumassuteqanngitsunit qulaajaavigineqarnissaa.	2,5				2,5
Isumaqatiginninniarnit sunniutaasa ilanngutereerneranni IS-ip inenera	76,9	-15,2	-56,3	-31,6	-26,1

Nalimmassaanerit il.il. malitsigisaannik inernerit siuliani taanneqartut AIS2021-milu namminermi inernerit annikinnerusumik nikingassuteqarsinnaapput.